

## Ŋwa' wvu fwe wvù Baul to saŋ<sup>εε</sup> ê kentaashe ke T<sup>ε</sup>salonika

**Fi**<sup>εε</sup> fi nu ê Ŋwa' wvu T<sup>ε</sup>salonika wvu fwe wvun e T<sup>ε</sup>salonika to nu kelaante kemew ê keba ke wonj e kè Masedonia le jò Baul to kewc<sup>εε</sup> kentaashe ke bonyii bo mbee le. Fí to baa mooce no kentaashe kin kew<sup>εε</sup> ke, ε Bojuu mum kew no bane Baul bene kendorj bô wvù. Baul mum saŋ Ŋwa' wvu fwe wvun fô bonyii bo Klistu le bo T<sup>ε</sup>salonika keeyvuwse mvuntelem mvubole, ege ε bó eleemè temyi.

*Bikuu bi mwεem e ê Ŋwa' wvun e*

1:1 Kεjkewce

1:2-3:13 ε Baul yuw njoj bvuu bense bonyii bo mbee le

4:1-12 Ntefe ekume nce wvu bonyii bô è nu bo Klistu le

4:13-5:11 Ntefe ekume no Klistu nu ke ekase eto

5:12-22 Ntefe wvu fokemese

5:23-28 Kemese

<sup>1</sup> È nu me wvù Baul, ε me nu bee Silas noo Timatio. Me nsaanjke Ŋwa' wvun fô kentaashe ke bonyii bo mbee le ke T<sup>ε</sup>salonika le kè nu ε taashe ε no nu yî Nyo' Ice bô Tata Jisos Klistu le.

Mbuwma Nyo' bô nyεkeey enù fô ben e.

*ε Baul nya keyoone* ê Nyo' yî kentaashe ke bonyii bo mbee le ke T<sup>ε</sup>salonika le

<sup>2</sup> Bese ké no nyaa keyoone ê Nyo' sekecii ekume ben bocii, bene ben sekecii ê bunle yese le. <sup>3</sup> Seke bese nu ê Nyo' Icee wesebeene fwe, bese ké no kumyi gee dinen

dì buyte yî fitele fi ben lese yî Klistu le bô lemme dinen  
 dì buyte yî kenkonen kenen e noo shém yì ben kuule yî  
 buyte yî ntaa wvù ben taale fwe yî Tata wesebeene wvù  
 Jisos Klistu le.

<sup>4</sup> Boom bo bwee wese le bô Nyo' koonke, bese kee lo le  
 Nyo' nu ε caw wase ben. <sup>5</sup> Bese kee nonen njefo ke saaka  
 wvù jee wvù bese to toε dvú fô ben e to to ke ε è nu bô  
 njeme maan ke. Wvù to to ten bô mvungay mvù nen'yi  
 fô Keyoy ke Yuule le, ε bese looci kee lo le saaka wvudvu  
 nu kecεy. Ben kee kfuu bonyii bô è to nu bese seke bese  
 to cee ê ben entelej nje ben. <sup>6</sup> Ben to nu ε no bejene  
 bese noo Tata njefo ben to nu ε fiisen saaka wvudvu bô  
 nlanlan wvù nen'yi fô Keyoy ke Yuule le naa no ben cim  
 to nu yî ηgew wvu baay e. <sup>7</sup> Nonen ε ben mum tu bonyii  
 bô bonyii bo mbee le bocii bo ê keba kè Masedonia le noo  
 kè Akeya le ejoð kenfewsen fô bó le. <sup>8</sup> Me njemyi nen njefo  
 ke è mey ke diew yì yi Tata yì nu ε san jo ben ε ghan keba  
 kè Masedonia bô kè Akeya le ke. Saaka wvu ekume fitele  
 finen fi ben lese yî Nyo' le nu ε ghan wase ten mondvuum  
 e monciim. Nonen ke shiee bvuu nu dvú wvù bese ejemyi  
 fiε ekume fifie ke. <sup>9</sup> Ben ekeè le bonyii bodvu kebeε nu  
 ε no seje ekume no ben to fiisenεε bese ê ben entelej,  
 noo no ben to cin'yεε mvunyo' le tu wase ben ε bo Nyo'  
 keelemte wase Nyo' wvu kecεy wvù kenke nshii le. <sup>10</sup> Bó  
 seje ten no ben cεyte Waa we wvù nu ke enε fowe eto le.  
 Waa we wvun nu wvù wvù to bvuseε yî kpwe le, ε è nu Jisos  
 wvù bvuse beene can shém Nyo' yì ffuuke yì wvù nu ke  
 eduñε ê bonyii le.

## 2

Ε *Bauljeme* ekume lemme diw di Tesalonika

<sup>1</sup> Boom bo bwee wese le, ben kebee kee lo le ke ghane di bese to laalee ê ben e to nu ε la εcici ke. <sup>2</sup> Naa no ben kee le bonyii to nu ε nya ηgew ê bese bvuu nvuwse bese ê kelaante kè Filibi le, nu ε bese to kuu ke shém ê mvungay mvu Nyo' wese le keefewce saaka wvù jee wvù wvu Nyo' ê ben naa no bonyii cim to cile bese naa baay nen. <sup>3</sup> Ke saaka wvù bese to fewci lke ben dvú to nu bô jay ke, ε ke bese to fewci bô ηkpwawce mvu wvù befe kenεε gomte keeleε lo ben ke. <sup>4</sup> Geenεn no Nyo' nu ε yen le bese nu ε kocεn bonyii bô wvù enya saaka wvù jee wvun can yibole, nonεn bese ε mum ε no fewci. Ε bese yaa fewci le ye ejeè ε è nu bonyii ke. Bese fewci le ye ejeè ε è nu Nyo' wvù taasse mvuntelem mvusese. <sup>5</sup> No ben kee nu ε bese to baa ke yuu wase etoo bô díew ken'yem kenεε tew fiεε fojise keedie fiεε can yene le ke. Ε fin nu fiεε ε Nyo' leeme fwe wese. <sup>6</sup> Ke bese to baa egomte keekenke mbense mvu ê wee kenεε wvù nen'yi fô ben e kenεε fô bonyii bomew e ke. Naa ε è to nu bvudvuu bvusese diewe boom bo ntum e bo Klistu le keebiite mwεem le ben egeè fô bese le. <sup>7</sup> Bese to nu fisese nyεkeey ê ben entelen diewe bwee wan wvù taale fô boom bew e. <sup>8</sup> Nonεn ε bese mum jo ben ye le naa ntay bô kenkonεn, nya ben ε è yaa mey ke bô saaka wvù jee wvù wvu Nyo' maan ke, geenεn nya tεn bikuu bisese ê ben njefo ben to nu wa lo mvuntelem mvusese naa baay.

<sup>9</sup> Boom bo bwee wese le, ke ben kumyi tεn lemme disese bô njimten wese. Bese to lemte εtan bô εmvunsheen wvu le fô bese egeε bvujite yî wee mvu ben e no bese to fewci saaka wvù jee wvù wvu Nyo' ê ben ke. <sup>10</sup> Ben kebee naa noo

---

2:1 1:5, 9    2:2 Lem 16:19-24; 17:1-9    2:3 2Kol 4:2    2:4 Yeli 11:20;  
1Tim 1:11; Gal 1:10; Efε 3:2    2:5 2:10; Lem 20:33; 2Kol 1:23    2:6  
Jon 5:41, 44    2:9 2Tes 3:7-9; Lem 18:3    2:10 2:5

Nyo' nulo eben jim nsaw wese le nce wese fô ben bonyii bo mbee le to nu wvù yuule nu teytey yaa kɛŋke nlom yimi kɛ. <sup>11</sup> Ben kee ten no bese to gee bô ben diɛwɛ no cee wan ké no gee bô boom bew. <sup>12</sup> Bese to yvuwse mvuntelem mvunen, lowci ben, tomsee le ben eceè nce ε è nu wvù Nyo' gomte. È nu Nyo' wvù teŋe ben le ben eley bvunfon bwew bô bvukukɛ bwew e.

<sup>13</sup> Bese shee kɛ ten nyaa keyoone ê Nyo' nje fin fi le seke bese to toɛ bô diɛw Nyo' fô ben e, ben to nu ε fiisen diɛw yidvu no yí looci nu le è nu diɛw Nyo' ε è yaa nu diɛw wee kɛ. ε è nu yí yì lemte yî yene le, ben bô nu bonyii bo mbee le. <sup>14</sup> Ben kee boom bo bwee wese le le fiɛɛ fi to kooyɛɛ bô bintaasɛ bi bonyii bo mbee le bi Nyo' le bì nu ε bee Klistu Jisos e ê keba kè Judea le to nu ε kooy ten bô ben. Ben to nu ε yen ten bonɣew can bonyii bonɛn bo won e lɛŋlɛŋ no bó to yɛnɛɛ can Bojuu bobole. <sup>15</sup> Bojuu ban nu bô to yue Tata Jisos. ε è nu bó bô to yuwyi bonyii bo ntum Nyo' le. È nu bó bô to kuŋɛɛ bese jo bó. Bó gee nonɛn ε Nyo' yaa yuuke njoŋ bô bó kɛ. Bó bane lo bonyii bocii, <sup>16</sup> no bó baɛŋke je fô bese le keejemyi ê bonyii bô yaa nu kɛ Bojuu wvu le bó eboy e. Bó gee nonɛn sekecii ε bibefɛ bibole yijsene bene. Shém Nyo' yì ffluuke nu ε to wase yî bó le keseen.

*ε Baul no kɛŋke shiee keebvu u eyen bonyii bo mbee le bo Tesalonika le*

<sup>17</sup> Boom bo bwee wese le, no beene se gawsɛnɛɛ nu ε bese ε mom wase naa baay kɛŋke shiee le bese bee eyen ben e ejise naa no è cim bɛɛ kɛ kefew caan no beene se gawsɛnɛɛ. Beene nu ε gawsɛn kɛ ε è nu ejise. Beene baa gawsɛn ê fitele le kɛ. <sup>18</sup> Bese gomte keekase eto ê ben e.

**2:11** Lem 20:31      **2:12** 4:1; Lum 5:2; Fili 1:27      **2:13** 1:2-3; Gal 1:11-12

**2:14** Lem 17:5      **2:15** Lem 2:23; 9:23, 29; 13:45, 50; 14:2, 5, 19; 17:5, 13; Lum 11:28; 2Kol 11:23-29      **2:16** Mat 23:31-33      **2:17** 3:10

Me wvù Baul kebee nu ε mom wase naa bokarj e bokarj e, geenen ε Satan jewsee ke bese. <sup>19</sup> Bese kerjke shiee nonen njefo fiεε fi è nulo é bese etaale fwe yî dvú le, kenεε bvujorjke bvusese bô kefo kesese ke bvunfon e kè bese nu ke esaale ye dvú fwe dvu Tata wesebeene wvù Jisos seke wvú ε kase ε to bvuu nu la? Ke è nu ben e? <sup>20</sup> È nu naa ben bvuwee bvusese bô bvujorjke bvusese.

### 3

<sup>1</sup> Nonen no bese to yενεε le fí nu ε ghaw wase, ε bese cu ntay keeshεε ejim Aten bese emberj, <sup>2</sup> mum tum Timatio wvù waa bwee wesebeene wvù bee bó lemte Nyo' le yî saaka wvù jee wvu ekumε Klistu le. Bese to tum le wvú eto eleke ben yî mbee wene le ntay, ebvuu etefe ben, <sup>3</sup> le fo bojgew ban ke eshiw wee mvu ben e ke. Ben kebee kee lo le bojgew nu wase fiεε fiseεbeene. <sup>4</sup> Ben kee lo le seke bese to nu beene nu ε bese to see ê ben e ε bεε lo le beene nu ke eyene bojgew. E è nu ke naa lenlerj no fí nu ε kooy wase ε ben kee. <sup>5</sup> È nεε fiεε fi to gee ε me njke ndioo n'yen le fí nu ε ghaw wase, ε me mum ntum Timatio keenkίεε no mbee wene nu, njefo me nto njkerjke nfan le è nelo enu ε wee wε wvù momte bonyii ε mom wase ben ε ge lemme dicii di bese lem fô ben e ε tu di ecici.

*ε Timatio nya saaka* ekumε mbee bonyii bo Tesalonika

<sup>6</sup> Geenεn keseen nu ε Timatio ε to wase ê ben e ε kase ε tu jim fô bese le, ε see saaka wvù jee wvu ekumε fitele fi ben lese yî Klistu le bô no ben dujci kerjkorjεn fô bonyii le. Wvú nu ε see ten no ben kumyi bese naa ntay bvuu kerjke shiee keeyen bese le no bese kerjke ten shiee keeyen ben e. <sup>7</sup> Nje fifin boom bo bwee wese le, yî nsase bô bojgew bô

---

2:19 1Kol 9:24-25; Fili 4:1; 2TES 1:4    3:1 Lem 17:15    3:2 1:1    3:3  
 εfε 3:13; 2TES 1:4; 2Tim 3:12    3:4 Lem 14:22    3:5 Fili 2:16    3:6  
 Lem 18:5; 2TES 1:3; 1Tim 1:5; Flm 5-7; Gal 5:6    3:7 2TES 1:4

bese keŋke le nu ε shém ε lætɛn bese ekumɛ ben baay nje fitele fi ben lese yî Klistu le. <sup>8</sup> Keseen nu ε bese ε yoy nje ben leeme ke tɛmyi ben ε bo Tata. <sup>9</sup> Nonɛn bese ε no nyaa keyoone ê Nyo' baay nje ben. Bese nyaa keyoone ê Nyo' nje njoŋ wvù bese yuuke fwe dvu wvù nje ben. <sup>10</sup> Bese bunlee shiee le entaŋ bô emvunsheerɛ le è nelo é bese ebvuu eyen ben e ejise wvu le bese enya ben bô fiεε fi bæε fuute yî mbee wene le.

<sup>11</sup> Bese bunlee le Nyo' Icee wesebeene kebεε bô Tata wesebeene wvù Jisos eyene je é bese eto ê ben e. <sup>12</sup> Bese bunlee tɛn le Tata ege é keŋkoŋɛn kenɛn eku egeɛn fwe é ben ekoŋɛnè bikuu binɛn bô bonyii bocii læŋlɛŋ no bese koŋke ben. <sup>13</sup> Bese bunlee nonɛn wvu le wvù ege é mvuntelem mvunɛn etɛmyi, é ben ke enu sɛ jay, yuule fwe dvu Nyo' Icee wesebeene seke Tata wesebeene wvù Jisos too bô ŋgoo ye yicii.

## 4

### *Nce wvù Nyo' koŋke*

<sup>1</sup> Keemεεse boom bo bwee wese le, bese læke ben kule lo can diwε bonyii bô nu ε taashe yî Tata Jisos e, le no ben to yeεyεε ê bese no ben keŋke keecee no Nyo' koŋke, ε è nu ke naa wase no ben cee keseen, ben egeè ke nonɛn gene lo fwe fwe. <sup>2</sup> Ben kee wase bontefe bô bese to nyæ ê ben ê mvuŋgay mvu Tata Jisos e. <sup>3</sup> Fiεε fi Nyo' koŋke nu le ben eceè diwε bonyii bô è nu bo Nyo' le. Fo ben ejaaŋkè kenjaŋ ke. <sup>4</sup> Wee mwaanɛ mwaanɛ ben e keŋke keekee keejici ye ye le ê je yì yuule keŋke n'wvum e. \* <sup>5</sup> Fo ye wee enù ke lo yvuuse, ŋɛyɛte diwε yì wee ketum kè yaa kee ke Nyo'

---

3:10 2:17    3:12 Gal 6:10    3:13 5:1-2; Fili 1:10    4:1 2:13; Kolo 1:10;  
 2Tes 3:6    4:3 5:23; 1Kol 6:13; Ibu 10:10    \* 4:4 KεNεε le, “Wee  
 mwaanɛ mwaanɛ ben e keŋke keekee keekɛŋke kpwεse ê je  
 yì yuule, keŋke n'wvum e.”

ke le. <sup>6</sup> Fo wee ege kebefε kenεε ege jay mvu bō waa bwee yî saaka wvudvu wvun e ke. Bese to nu ε jeme wase ciise lo ê ben ε è bεε lo le Tata nu ke elañ ηgew yî bonyii bō gee mwεem mvun mvunciim e. <sup>7</sup> Ben ekeè le ke Nyo' to teje beene le beene eceè ε è nu nce nnyen ke. Wvú to teje le beene eceè nce wvù yuule. <sup>8</sup> Fí ε mum ε no nu le naa yεε wvù tun keeyuw ntefe wvun e nu ε ke wvú tun keeyuw ε è nu wee wvu wum e ke. Wvú tun keeyuw ε è nu Nyo' wvù nyaa Keyoy kew ke Yuule ê ben e.

<sup>9</sup> Fi ekumε kenkonen kè ben ekeηkè fō boom bo bwee wene le bo mbee le nu ε ke shiee nu dvú fō ben e wvù bó ebvuu esaηke ekumε fifie ê ben ke. Fifin nu fiεε ε ben keβεε nu ε Nyo' to γεεyi wase ben no è nulo é ben ekonènè bikuu binen. <sup>10</sup> Yî keceεy e, ben koonke naa wase boom bo bwee wene le bocii bo ê keba kè Masedonia le. Geenεn boom bo bwee wese le, bese bvuu teete ke ben le ben egeè ke nonen gene lo fwe fwe. <sup>11</sup> Shiee wene baay enù ε è nu keecee nce wvu nyεkeey, yaa leese ke diuw fō mwεem mvu bonyii le ke. Ben elemtè bō can yene no bese to teeteε ben. <sup>12</sup> Nonen é bonyii bo ekfuη emum enyaa n'wvum ê ben, ben saa ebvuu etaale wee mvu yî fiεε le ke.

*Ekumε* kefew kè Tata nu ke ekase eto le

<sup>13</sup> Boom bo bwee wese le, ke bese gomte le ben enu kenjiwe le ekumε bonyii bō nu ε kpweken wase ke. Bese gomte le ben ekiεε wvu le fo ben enu yii yii diewe bonyii bō yaa taale ke fwe yî fiεε le ke. <sup>14</sup> Beene nu ε bee le Jisos to nu ε kpwe kase buy yî kpwe le, ε è nu ke leηleη no Nyo' nu ke ekase etfuse jim bonyii bō to kpwekene ε bó ε taashe bō bo

---

4:7 4:3; 1Bi 1:15-16    4:8 1Kol 6:19-20    4:9 Yeli 31:33-34; Gal 6:10; Efε 5:2    4:10 2Tes 3:4    4:11 2:9; Efε 4:28; 2Tes 3:10, 12    4:12 1Kol 5:12-13; Kolo 4:5    4:13 5:1-2; 1Kol 15:51-52    4:13 1Kol 15:18-19; Efε 2:12    4:14 Lum 14:9; 1Kol 15:3-4, 12, 20

Jisos, é bó ke enu bô wvú. <sup>15</sup> Bese jemyi fin bii ε è nu diew Tata le, le ke beene bô nu ε shεε ejim bô nu ke ebεε dvú yí kefew kè Tata nu ke etoo le nu ke esa fwe dvu bonyii bô nu ε kpweken wase ke. <sup>16</sup> Ben ekeè le Tata kebεε nu ke ene fowe eshiile too wamte foweεwe bô diew yí temyi, ε ekole ke bonceendaa bo Nyo' le fuunke ten, ε soη Nyo' jemyi. É bonyii bô to kpwekene ε bó ε taashε wase bô bo Klistu emum eyaw ebuy. <sup>17</sup> Nonen é Nyo' emum ecun beene bô nu ε shεε bô bεε dvú noo bó ntaashe le ê kembew e keegen etasen beene bo Tata ê kebulε le. É beene bo Tata ke emum enu sekecii. <sup>18</sup> Nonen ben emum elεεsè fitele fi wee noo wee le bô njeme wvun.

## 5

*No* è nulo é wee ecεyte nto Tata

<sup>1</sup> Boom bo bwee wese le, ekumε kefew bô diuu di nto Tata le nu ε ke shiee nu dvú fô ben e wvù bó esaanjè fifie ê ben ke. <sup>2</sup> Ben kebεε kee lo le diuu di nto Tata le nu ke enu diewε di cooη e entaη. <sup>3</sup> Bonyii nu ke edioo duu le, “Nyεkeey nu dvú, ε fiε fi wee efanè yaa nu ke”, é ηgew emum ene esεε egbwe yí bó le diewε no lume ke ne to yí kpwoon wvù nu bô fue le, je saa enu dvú keelewtε ke. <sup>4</sup> Geenεn boom bo bwee wese le, ke ben nu finεn kenjiwe le wvù diuu didvu ke ene esεε eto fô ben e diewε cooη e ke. <sup>5</sup> Me njemyi nen njefo ben bocii nu bonyii bo n'yuu le, nu bonyii bo εmvunsheeη. Ke beene nu bonyii bo entaη kenεε bo kenjiwe le ke. <sup>6</sup> Nonen fo beene eleetè no bonyii bomew leete ke. Beene enù we bô bvufee bvuseεbeene fó bvucii. <sup>7</sup> Bonyii bô leete ké no leete ε è nu entaη, ε

---

4:15 1Kol 7:10, 25    4:16 1Kol 15:23    4:17 Jon 12:26; Lum 5:17; Fili 3:20  
 5:2 1:2-3, 10; 2:19; 3:13; 5:23; Mat 24:36; Fili 4:5; 2TES 1:7, 10; 2:1-2;  
 Mat 24:43; 2Bi 3:10; Mwm 3:3; 16:15    5:3 Yeli 6:14-15; Mat  
 24:39    5:5 Lum 13:11-12; Efε 5:8-9



bonyii bò mbvuum koole bó nu ε mó ké no koole ε è nu entañ. <sup>8</sup> Geenen no beene nu fisεεbeene ε è nu bonyii bo εmvunsheej, beene emum enù bô bvufee bvuseεbeene fó bvucii. Beene ejo mbee bô keηkoηen é mvú enù diεwe ketwaa ke jem e ε beene ε jise ε baη gvúw yesebeene dvú, ejo ten mboyma wvù beene taale fwe yî dvú le é wvù enù diεwe kefo ke jem e ε beene ε bon. <sup>9</sup> Ben ekeè le ke Nyo' to caw beene gεε le wen ke edujεε ε è nu shém ye yî ffuuke ê beene ke. Wvù to caw le beene ke ekeηke ε è nu mboyma fele yî Tata wesebeene wvù Jisos Klistu le. <sup>10</sup> Jisos Klistu nu wvù to kpweε nje yese beene, wvu le keηεε beene nu dvú, keηεε beene ε kpweken, é beene enu ke beene ε bó. <sup>11</sup> Nonen ben emum eyvuusè mvuntelem mvu wee noo wee le, eyootè ten wee noo wee ε wvù kuu ke no ben gee wase.

*Ntefe wvu fokemεse bô ηgayma*

<sup>12</sup> Boom bo bwee wese le, bese leke lo ben le ben ewvumtè bonyii bò lemte ê ben entelεη taale fô ben e yî saaka Tata le bvuu teete ben e. <sup>13</sup> Ben edujçì n'wvum ê bó naa ntay yî keηkoηen e nje lemme dibole. Ben ekeηkè ten nshii wvu nyεkeey fô bikuu binen e. <sup>14</sup> Bese bvuu leke ten ben boom bo bwee wese le le ben etefe bonyii bò nu laame ke lo, eyvuusε mvuntelem mvu bonyii bò keηke jaη e, efice ten bonyii bò wεεyi. Ben ekuulè shém ben ε bonyii bocii. <sup>15</sup> Ben eyenè fo wee etfuusè kebefε bô kebefε. Ben egomtè sekecii keegeε ε è nu mwεem mvù jee fô bikuu binen e noo fô bonyii bocii le. <sup>16</sup> Ben elañlanè sekecii, <sup>17</sup> bunlè kefew kecii, <sup>18</sup> nyaà keyoone ê Nyo' yî fiεε ficii fi kooyi le. Fin nu fiεε fi Nyo' shieele fô ben bò nu yî Klistu

---

5:8 εφε 6:11-17    5:9 1:10; 2TES 2:14    5:10 4:14; Lum 14:8-9    5:12  
 1Kol 16:15-18; 1Tim 5:17    5:14 2TES 3:6, 11, 15    5:15 Lum 12:17;  
 Fili 1:10    5:16 Fili 4:4    5:17 5:25; Luk 18:1; Lum 12:12; εφε 6:18; Kolo  
 4:2    5:18 εφε 5:19-20

Jisos e. <sup>19</sup> Fo ben ecilè lemme di Keyoy ke Yuule le ke. <sup>20</sup> Fo ben emwaasè bontum bo Nyo' le bò bonyii teete ke. <sup>21</sup> Ben etaassè mwεem mvunciim, jòd mvù jee leeme yî dvú le, <sup>22</sup> ebvuusè can fô mwεem mvù befè le mvunciim.

<sup>23</sup> Me nleke le Nyo' keβεε wvù nu Nyo' kembonen elooce ege é ben eyuule yî fiεε le ficii. Wvú egεε keyoy kenεn bô mvuntelem mvunen noo ye yene é yî ke enu se nlom kefew kè Tata wesebeene wvù Jisos Klistu nu ke eto le. <sup>24</sup> Wvú wvù Nyo' wvù to teηεε ben nu ε wvú ké no leeme ke yî diεw ye le, ε wvú nu ke ege mwεem mvudvu.

<sup>25</sup> Boom bo bwee wese le, ben ebunleè fô bese le.

<sup>26</sup> Ben egay boom bo bwee wesebeene le bocii ηγοce ê ηγοce bonyii bo Nyo' le.

<sup>27</sup> Me njemyi nciise lo ê ben yî mvuηgay mvu Tata le le ben etaj ηwa' wvun é boom bo bwee wesebeene le bocii eyuw.

<sup>28</sup> Tata wesebeene wvù Jisos Klistu ebuw ben bô kembonen kew é kí enù ben ε bó.

## **Ŋwa' Nyo' Moŋkan mo Monfɛm New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 19 Oct 2021 from source files dated 1 Dec 2020

5b12a3f8-7a2a-5b6f-b1da-1bf94b13fc2e